



Inatsisartunut ilaasortat  
Knud Kristiansen aamma Gerhardt Petersen, Atassut  
/maani

**§ 37 naapertorlugu apeqquteqaammut normu 97-mut, qanoq nunatsinni Danmarkimilu efterskolerniarlutik qinnuteqartut agguataarsimanerannut tunngasunut akissutit.**

Naalakkersuisut Nunatsinni Danmarkimiluunniit efterskolerniarlutik qinnuteqartut agguataarsimanerat pillugu apeqquteqarsimanissinnut qutsavigaassi.

**Apeqquut 1:** Nunatsinni efterskolit pigineqartunut: Villads Villadsenip efterskolianut, aamma Maniitsumi Efterskolimut ukiumut inuusuttut efterskolerniarlutik qinnuteqartartut qassiuppat? Aamma qassit inissaqannginneq (tigusinnaasat amerlassusaat tikinneqaraangat) itigartitaasarpat?

**Apeqquut 2:** Qallunaat Nunaanni efterskolerniarlutik, inuusuttut nunatsinniit qassit ukiumut qinnuteqartarpat? Aamma qassit suut pissutigalugit itigartitaasarpat?

**Apeqquut 4:** Nunatsinniit Qallunaat nunaannut efterskolerniarlutik, sumiiffinniit suminngaanneersut inuusuttut qassit qinnuteqartarpat? Aammalu qassit akuerisaappat? Qassillu itigartitaasarpat? Suullu tunngavilersuutaasarpat?

**Apeqqutinut 1-imut, 2-mut 4-mullu akissutit:**

Naalakkersuisut matumuuna apeqqutinut 1, 2 aamma 4-mut ataatsimoortumik akissuteqassapput. Ukiuni 2011-miit 2014-mut efterskoli Villads Villadsenimut Maniitsumilu efterskolimut qinnuteqarsimasut imaapput:

**Efterskoli Villads Villadsen**

	2011	2012	2013	2014
Qinnuteqartut amerlassusaat	163	171	184	154
Akuerisaasut	80	80	80	80
Itigartitaasut	83	91	104	74

**Maniitsumi Efterskoli**

	2011	2012	2013	2014
Qinnuteqartut amerlassusaat	156	96	79	85
Akuerisaasut	75	72	71	71
Itigartitaasut		4	2	9

02. maj 2014  
Sagsnr. 2014-099017  
Dok. Nr. 1564720

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: iiknn@nanoq.gl  
www.nanoq.gl

Danmarkimi efterskolinut qinnuteqartut Oqaatsinik pikkorissarfimmiit paasissutissat naapertorlugit ima isikkoqarput:

Danmark	2011	2012	2013	2014
Qinnuteqartut amerlassusaat	313	328	355	324
aningaasaliissutit AI*	250	250	290	300
Taperneqartut	259	281	310	244
Itigartitaasut	35	32	31	79

\*Aningaasanut inatsimmi atuartut amerlassusissaat

Oqaatsinik Pikkorissarfimmit aamma nalunaarutigineqarpoq 2011-miit 2014-imut qinnuteqartut akornanni piujunnaartut ima amerlassuseqarsimasut:

2011: qinnuteqartut piujunnaartut: 19  
 2012: qinnuteqartut piujunnaartut: 15  
 2013: qinnuteqartut piujunnaartut: 14  
 2014: qinnuteqartoq piujunnaartoq: ataaseq

Assigisaanik Oqaatsinik pikkorissarfik ilisimatitsivoq ukiumi atuarfusumi 2014/2015-imi efterskolernissamut akuerineqartut amerlisinnaasut nalunaarutigineqarpoq - immikkut ittumik akuerineqarnissamik qinnuteqartut maajip naalernerani suliarineqarsimaleriapata.

Danmarkimi efterskolernissamut tapiiffigineqarnissamut qinnuteqaatit itigartineqartut pingaarnertut tamakkiisumik naammassineqarsimassanngillat imaluunniit ilaqutariinnik pulaartagassanik pissarsisimannginnermik pequteqartarput.

**Apeqquut 3:** Nunatsinniit (sinerissamiit) inuusuttut efterskolerniarlutik qinnuteqartartut, sumiiffiit suninngaanneerpat? Taakkunanilu qassit akuerineqarpat? Qassillu itigartitaappat? Suullu tunngavilersuutaappat?

#### **Apeqquutit pingajuannut akissut**

Efterskoli Villads Villadzeni ilisimatitsivoq kalaallit nunaanni inoqarfinnit tamanit atuortoqartarluni. Qinnuteqartulli amerlanersaat Qaasuitsup kommuniameersuusarput. Qinnuteqartut amerlanersaat Qaasuitsup kommuunianersuusarput aammali Kommuneqarfik Sermersuumeersuut arlaliansarput, annermik Tasiilamiit. Ukiumi 2014/2015-imi Tasiilamiit qinnuteqartut 16-iupput sulilu qinnuteqartartut amerliartorpasippat. Efterskoli Villads Villadzeni sapinngisamik nunap immikkoortuinit tamanit atuortoqarniarsarisarpoq. EVV qinnuteqartuni meeqqat atuarfianni angusarinnerit toqqartarpai.


Maniitsumi Efterskolip ilisimatitsissutigaaq sumiiffinnit tamanit qinnuteqartoqartartoq. Efterskolilli nalunaarutigaa qinnuteqartut amerlanersaat Upernavimmeersuullutillu Tasiilameersuusartut. Ukiuni kingullerni Maniitsumi Efterskolip qinnuteqartut tamangajalluinnaasa akuerisarpai.

**Apeqquut 5:** Maannamut Naalakkersuisut qanoq pilersaaruteqarpat, nunatsinni efterskolit pillugit? Iliuusissanik pilersaarutit sumut killippat?

**Apeqquutit tallimaannut akissut**

Naalakkersuisut ukiuni aggersuni efterskoleqarneq qanimut malinnaaviginiar-paat, nunatsinnilu efterskolinik amerlanerusunik pilersitsinissamik isumaliute-qarnissamut aningaasatigut periarfissaqarnersoq ingerlaavartumik nalilersortar-niarlugu. Efterskolimik sumi inissiisinnaaneq naleqqunnerpaajunersoq Naalak-kersuisut maannakkut oqaatigisinnaangilaat. Tassani tamanna pillugu inaarutaa-sumik aalajangiinnginnermi aningaasatigut, pilersuinikkut isumalluutitigullu i-sumaliutersuutit apeqqutaassapput.

Ikinngufinnersumik inuulluaqqusillunga



Nick Nielsen